



Fylkesmannen i Møre og Romsdal

Saksbehandlar, innvalstelefon
Seniorrådgivar Ola Betten, 71 25 84 76

Vår dato
19.02.2014
Dykkar dato
13.02.2014

Vår ref.
2014/1193/OLBE/433.2
Dykkar ref.

Reiar Varhol
Rødseth
6440 ELNESVÅGEN

Fræna kommune - løyve til planting av utanlandske treslag på gnr59 bnr2 - Reiar Varhol

Fylkesmannen i Møre og Romsdal gjev Reiar Varhol løyve til utsetting av fjelledelgran, fraseredelgran, tyrkisk edelgran og nikkoedelgran for juletreproduksjon på gnr 59 bnr 2 i Fræna kommune. Løyvet gjeld planting med 12000 stk. tre på eit areal på ca. 20 daa, UTM 6967430 410280, jf. avmerka areal i vedlegget til søknaden.

Løyvet er gitt i medhald i §§ 4 og 5 i "Forskrift om utsetting av utenlandske treslag til skogbruksformål". Det er sett vilkår til løyvet.

Vi viser til søknad datert februar 2013. Søknaden gjeld utsetting av fjelledelgran (*Abies lasiocarpa*), fraseredelgran (*Abies fraseri*), tyrkisk edelgran (*Abies bornmuelleriana*) og nikkoedelgran (*Abies homolepis*) på eigedommen 59/2 i Fræna kommune. Plantefeltet er avmerka i kartvedlegget til søknaden. Formålet med utsettinga er juletreproduksjon. Søknaden gjeld 12000 stk tre på eit areal på 20 dekar. Plantinga skal skje over ein 5-årsperiode.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskriftera). Formålet med forskriftera er *å hindre at utsetting av utenlandske treslag medfører eller kan medføre uheldige følger for naturmangfoldet*, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følger for naturmangfaldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følger for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følger for det biologiske mangfaldet, jf. § 7 i forskriftera. Utplanting av utanlandske treslag kan ha ein negativ påverknad på naturmangfaldet ved å endre den naturlege artssamsetnaden og dei økologiske funksjonane på staden.

Kunnskapsgrunnlaget (NML § 8)

Fjelledelgran er klassifisert av Artsdatabanken som ein art med lav risiko. Arten har per i dag ikkje nokon påverknad på norsk natur ut over den effekten dei har på det arealet dei blir planta på. Det er ikkje gjort tilsvarande vurderingar for dei andre artane, men vi har lagt til grunn tilsvarande økologisk risiko ut frå at det er svært nærliggande artar.

I følgje søknaden er føremålet med utsettinga å produsere juletre. Trea blir difor hausta før dei set kongler, og feltet vert rydda etter at salgbare tre er hogde. Det er difor ingen fare for spreiing av desse artane til naturen kring feltet.

Vi har vurdert dei naturfaglege kvalitetane til plantearealet. Det er ingen registreringar i Naturbase i høve raudlisteartar eller andre relevante verdiar. Det er oppgjeve at det går eit hjortetrekk over området, men dette er ikkje i konflikt med plantinga. Ut frå føreliggande kunnskap vil det ikkje medføre uheldige følgjer for naturmangfaldet.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiingar på grunnlag føre-var-prinsippet er lite.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøförring (NML § 11)

Reiar Varhol kan påleggast å fjerne utilsikta spreiing av utplanta edelgranartar. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Fjerning av alle trea før frøsetting vil vere eit tilstrekkeleg tiltak for å hindre spreiing. I tillegg er den som har fått løyvet til utsetting pliktig til å føre internkontroll, jf. § 10 i forskrifa.

Konklusjon

Vi vurderer det til å vere små negative effektar på naturmangfaldet i utsettingsområdet som følgje av suppleringsplanting av fjelledelgran. Med bakgrunn i opplysningane i søknaden og kunnskapsgrunnlaget, vurderer vi spreiingsfaren som låg, og faren for negative økologiske effektar som liten.

Fylkesmannen i Møre og Romsdal gir Reiar Varhol etter dette løyve til utsetting av fjelledelgran, fraseredelgran, tyrkisk edelgran og nikkoedelgran på gnr 59 bnr 2 som omsøkt. Løyvet gjeld for 12000 stk. tre på eit samla areal på 20 daa på avmerka areal i vedlegget til søknaden, jf. §§ 4 og 5 i *Forskrift om utsetting av utenlandske treslag til skogbruksformål*. Vi viser vidare til krava i forskrifa §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) Etter at felta er hausta, skal alle ikkje-omsettbare tre fellast. Dette skal gjerast slik at det ikkje kjem skott frå greiner eller stubbe. Feltet skal uansett ryddast etter 15 år frå plantinga, dvs. i perioden 2028-32.

- 2) Det er ikke tillate å fjerne tre med voksedyktig rot fra feltet. Dette skal hindre ukontrollert spreiing av artane.
 - 3) Dersom det vert oppdaget spreiing av tre utanfor plantefeltha, skal desse fjernast, og Fylkesmannen i Møre og Romsdal må varslast.
 - 4) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.

Vedtaket kan påklagast til Miljødirektoratet innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Ulf Lucasen (e.f.)
fagsjef

Ola Betten

Dokumentet er elektronisk godkjent og har ingen signatur.

Kopi:
Miljødirektoratet Postboks 5672 Sluppen 7485 TRONDHEIM
Fræna kommune 6440 Elnesvågen